



МОНГОЛ УЛСЫН ИХ ХУРЛЫН ГИШҮҮНИЙ
АСУУЛТ

14201 Улаанбаатар хот, Сүхбаатар дүүрэг
Жанжин Д.Сүхбаатарын талбай 1, Төрийн ордон
Утас: 26-70-16, Факс: 32-70-16
E-mail: stategreatkhural@parliament.mn
http://www.parliament.mn

2024.09.25 № 18

МОНГОЛ УЛСЫН ЕРӨНХИЙ
САЙД ЛУВСАННАМСРАЙН
ОЮУН-ЭРДЭНЭ ТАНАА

Сумдын эмнэлэг, сургууль, цэцэрлэг,
халуун усны газар, соёлын төв, иргэдэд
үйлчлэх мэдээллийн төвийн талаар

Монгол Улсын Төсвийн тухай хуулийн 5 дугаар зүйлийн 5.1 дэх хэсэгт "Төсөв нь Улсын болон Аймаг, нийслэл, хотын хөгжлийн жилийн төлөвлөгөөг хэрэгжүүлэхэд чиглэсэн байх", 6 дугаар зүйлийн 6.4.1 дэх заалтад "төсвийг үр ашигтай, хэмнэлттэй байхаар төлөвлөж, зарцуулах;" 6.4.3 дахь заалтад "иргэн, аж ахуйн нэгж, төрийн бус байгууллагаар гүйцэтгүүлэх боломжтой хөтөлбөр, арга хэмжээг тэдгээрээр гүйцэтгүүлэх чиглэл баримтлах;" 6.5.5 дахь заалтад "хөтөлбөр, төсөл, арга хэмжээний ач холбогдлын эрэмбэ, хэрэгжүүлэх дараалал, арга замыг тодорхойлох шийдвэрт олон нийтийн саналыг харгалзан үзэх" гэсэн зарчмуудыг мөрдөхөөр заасан.

Мөн Төсвийн тодотголыг тус хуулийн 6 дугаар зүйлийн 6.2.3 дахь заалтад "урьдчилан тооцоолох боломжгүй нөхцөл байдлын улмаас төсвийн орлого буурах, эсхүл зарлага нэмэгдсэнээр төсвийн алдагдал нэмэгдэхээр бол төсвийн зарлагыг бууруулах, эсхүл орлогын эх үүсвэрийг нэмэгдүүлэх замаар тухайн жилийн төсөвт тодотгол хийж, төсвийг тэнцвэржүүлэх", 34 дүгээр зүйлийн 34.1 дэх хэсэгт "Засгийн газар дараах тохиолдолд тухайн жилийн төсвийн тодотголын төслийг боловсруулж, Улсын Их Хуралд өргөн мэдүүлнэ:" 34.1.1 дэх заалтад "Төсвийн тогтвортой байдлын тухай хуульд заасан төсвийн тусгай шаардлагыг баримтлахгүй байх нөхцөл байдал үүссэн;" 34.1.2 дахь заалтад "урьдчилан тооцох боломжгүй нөхцөл байдлын улмаас төсвийн орлого буурах, зарлага нэмэгдэж, нэгдсэн төсвийн алдагдал дотоодын нийт бүтээгдэхүүний гурван хувиар нэмэгдэх;" 34.1.3 дахь заалтад "энэ хуулийн 29.7-д заасан үндэслэл бий болсон тохиолдолд батлагдсан хөтөлбөр, төсөл, арга хэмжээний төсөвт өртөгт өөрчлөлт оруулах;" 34.1.4 дэх заалтад "төсвийн ерөнхийлөн захирагч хооронд төсвийн зохицуулалт хийх." 34.1.5 дахь заалтад "хууль болон гэрээнд зааснаар Засгийн газрын өрийн баталгааны төлбөрийн үүргийг гүйцэтгэхэд Засгийн газрын өрийн баталгааны сангийн хөрөнгө хүрэлцэхгүй болсон нөхцөлд" хийхийг тус тус заажээ.

Харамсалтай нь дээрх хуулийн заалтуудын дагуу төсвийн тодотгол хийх нөхцөл, шаардлагад нийцээгүй, Улсын хөгжлийн жилийн төлөвлөгөөг хэрэгжүүлэхэд чиглэгдээгүй, үр ашигтай, хэмнэлттэй байх зарчмыг хангаагүй байж болзошгүй, ач холбогдлын эрэмбэ, дараалалд олон нийтийн саналыг харгалзсан эсэх нь тодорхойгүй 36,9 тэрбумын төсөвт өртөгтэй Иргэдэд үйлчлэх мэдээллийн төвийн барилгыг шинээр барихаар 2024 оны төсвийн тодотгол, 2025 оны төсвийн төсөлд тусгасан байна. Үүнээс 2024 онд буюу 4 сарын хугацаанд 15,2 тэрбумын санхүүжилт хийхээр төсөвлөсөн байна.

20240928

Иймд Улсын Их Хурлын тухай хуулийн 8 дугаар зүйлийн 8.1.13 дахь заалт, 37 дугаар зүйлийн 37.1.1 дэх заалт, Монгол Улсын Их Хурлын хяналт шалгалтын тухай хуулийн 6 дугаар зүйлийн 6.1.1 дэх заалт, 11 дүгээр зүйлийн 11.1 дэх хэсгийг тус тус үндэслэн Танд дараах асуултыг тавьж байна.

Үүнд:

1.Хавсралтад заасан сумдад "Иргэдэд үйлчлэх мэдээллийн төвийн барилга" барих хэрэгцээ, шаардлага, үндэслэлийн талаарх дэлгэрэнгүй тайлбар, мөн төвийн үйл ажиллагаа, бүтэц, орон тоо, төсөв юу байх талаарх мэдээлэл;

2.Хавсралтад заасан сумдад байгаа соёлын төвийн барилгын тоо, насжилтын талаарх дэлгэрэнгүй тайлбар, мэдээлэл;

3.Хавсралтад байгаа сумдын эмнэлэг нь стандартын шаардлага хангаж шинэчлэгдсэн эсэх талаарх мэдээлэл;

4.Хавсралтад байгаа сумдын цэцэрлэг нь стандартын шаардлага хангаж шинэчлэгдсэн эсэх талаарх мэдээлэл;

5.Хавсралтад заасан сумдад халуун усны газар байгаа эсэх талаарх мэдээлэл;


6.Хавсралтад заасан сумдын сургууль болон дотуур байранд боловсон бие засах газар байгаа эсэх талаарх мэдээлэл;

7.Эдгээр мэдээллийн төвийн барилгын 2024 онд хийгдэх санхүүжилт, барилгын ажлын явцын талаарх мэдээлэл.

Асуултын хариуг Монгол Улсын Их Хурлын хяналт шалгалтын тухай хуулийн 11 дүгээр зүйлийн 11.2 дахь хэсэгт заасан хугацаанд ирүүлж, мөн зүйлийн 11.4 дэх хэсэгт заасны дагуу холбогдох Байнгын хорооны хуралдаанд хэлэлцүүлэх болно.

Хүндэтгэсэн,

МОНГОЛ УЛСЫН
ИХ ХУРЛЫН ГИШҮҮН



Ж.БАЯРМАА

20240028

Хуулийн дугаар	Төсөл, арга хэмжээний нэр, хүчин чадал, байршил	Төслийн код	Эхлэх	Дуусах	2024 оны төсөвт өртөг	2024 оны санхүүжих дүн	2025 оны төсөвт өртөг	2025 оны санхүүжих дүн
V.1.12	Иргэдэд үйлчлэх мэдээллийн төвийн барилга /Архангай, Булган сум/	УТ2401000255	2024	2025	2,453.9	1,227.0	2,430.8	1,203.8
V.1.13	Иргэдэд үйлчлэх мэдээллийн төвийн барилга /Архангай, Цахир сум/	УТ2401000257	2024	2025	2,453.9	1,227.0	2,453.9	1,227.0
V.1.14	Иргэдэд үйлчлэх мэдээллийн төвийн барилга /Архангай, Өндөр-Улаан сум/	УТ2401000256	2024	2025	2,453.9	1,227.0	-	-
V.1.15	Иргэдэд үйлчлэх мэдээллийн төвийн барилга /Говь-Алтай, Баян-Уул сум/	УТ2401000265	2024	2025	2,453.8	1,226.9	2,423.0	1,196.1
V.1.16	Иргэдэд үйлчлэх мэдээллийн төвийн барилга /Говь-Алтай, Тайшир сум/	УТ2401000260	2024	2025	2,453.9	1,227.0	2,430.4	1,203.5
V.1.17	Иргэдэд үйлчлэх мэдээллийн төвийн барилга /Завхан, Баянтэс сум/	УТ2401000286	2024	2026	2,270.2	685.0	2,170.8	693.2
V.1.18	Иргэдэд үйлчлэх мэдээллийн төвийн барилга /Завхан, Сантмаргаз сум/	УТ2401000285	2024	2026	2,199.3	500.0	2,187.3	837.6
V.1.19	Иргэдэд үйлчлэх мэдээллийн төвийн барилга /Завхан, Тэлмэн сум/	УТ2401000284	2024	2026	3,027.3	500.0	2,975.8	1,212.2
V.1.20	Иргэдэд үйлчлэх мэдээллийн төвийн барилга /Сэлэнгэ, Түшиг сум/	УТ2401000264	2024	2025	2,453.9	1,227.0	2,453.9	1,227.0

V.1.21	Иргэдэд үйлчлэх мэдээллийн төвийн барилга /Хэнтий, Мөрөн сум/	УТ2401000275	2024	2026	3,526.1	1,057.8	3,430.1	1,138.2
V.1.22	Иргэдэд үйлчлэх мэдээллийн төвийн барилга /Хөвсгөл, Жаргалант сум/	УТ2401000027	2024	2025	2,453.9	1,227.0	2,300.5	1,073.5
V.1.23	Иргэдэд үйлчлэх мэдээллийн төвийн барилга /Хөвсгөл, Цэцэрлэг сум/	УТ2401000061	2024	2026	2,440.1	732.0	2,440.1	854.1
V.1.24	Иргэдэд үйлчлэх мэдээллийн төвийн барилга, музейн танхимын хамт /Өвөрхангай, Есөнзүйл сум/	УТ2401000262	2024	2025	2,453.9	1,227.0	2,390.3	1,163.3
V.1.25	Төрийн нэг цэгийн үйлчилгээний төвийн барилга /Дундговь, Сайнцагаан сум/	УТ2401000261	2024	2025	3,873.3	1,936.7	3,722.9	1,786.2
Нийт					36,967.4	15,227.0	33,809.8	14,815.7